





C  
2



gra  
me  
sta  
lab  
cto  
nit  
pe  
pr  
tal  
C  
te  
ta  
gr  
ti  
p  
c  
m  
S  
p  
S  
c



*Łąbski Stanisław*

# COPIA EPISTOLÆ

*Quam scripsit Excellentissimus Episcopus  
Cuiaviensis, Excellmo Domino Le-  
gato Galliarum.*

Illustrissime & Excellentissime Patrone.



<sup>33.960.77</sup>  
Olens submissionem meam unâ & alterâ Ex-  
celæ Suæ testari vice, ab ipsâ residentia illius  
portâ redire debui, absentem publicisq; cu-  
ris à statione suâ evocatum reperiens. Quare  
in leuamen frustrati desiderij mei, obsequijq;  
præsentibus, ingentissimis enim, repentinis-  
quæ casibus, jam Varaviâ avocor, ulti-  
mum vale Exclæ Suæ mitto, illud unicum fla-  
grantissimè postulans, ut quem dignata est Sua Exca ante omnia  
merita mea, humanissimâ prosequi benevolentia, eundem con-  
stanti foveat gratia; quam mereri omni obsequiorum conatu al-  
laborabo. Et quoniam Exca Sua eo me fiducia obstrinxit pa-  
cto, ut quæ sentire circa futuræ Electionis progressû, ea pro inge-  
nito candore meo liberè explicem; audeo igitur Excam Suam  
per boni publici commoda studiosissimè obligare, quatenus à  
promotione Principis de Conti resiliere velit, quem etsi, eximia  
talenta bellorumquæ vocales triumphi, supparem Regiæ faciant  
Coronæ, metus tamen Nominis huius per Regnatrices Majesta-  
tes, ex rationibus Statûs Nostri, in animis Civium pridem exci-  
tatus, & modò conservatus, remotiorem videtur à Throno Re-  
gni facere: neque enim vellem Serni Galliarum Regis promo-  
tionem, in aliquod venire discrimen, sicut & Excæ Vestræ, im-  
pensas laboris periclitari, quæ si optatum fortientur effectum, li-  
cebit mihi gratulari, sin minùs, vix possem tantorum conarum  
motibus, condignè compati; quoniam non temerarium Excæ  
Suæ exprimam sensûs mei iudicium etiam ex multis deprom-  
ptum. Si quid ultrò singularitatis communicandum mihi Exca  
Sua habuerit, pari ac mecum, cum Theologo meo domestico fidu-  
ciâ agere potest &c. manens

Illustrmæ Exciæ Vestræ

*Devotissimus Servitor*

Epus Vladus.





# Responsum Excellentissimi LEGATI.

*Illustrissime & Excellentissime Patrone.*

**S**ummo cum animi mei dolore, intellexi suam Excām ad  
ne venire dignatam semel & bis, quo tempore valedictio-  
nes huc & illuc deferendæ, domi me sedere non permitte-  
bant: nec minùs etiam hoc me afflixit, quod Excā Suā cona-  
tus iterum obsequia mea præstare, tamen idoneum admittendo  
mihi tempus non sit inventum. Etenim humanissimis Excā  
Vræ literis ore proprio satisfacere volebam, & quidquid priori  
nostro colloquio defuerat, uberiore sermone aliquantulum supplere.  
Verum ubi publica Sermi sui Candidati negotia, tantopere  
distrahunt Excām Vestram, ut difficilè possit alijs aures atten-  
tas præbere, ideò scribendum satius duxi, ut non modò benignis-  
simis ejusdem characteribus, sed etiam consilijs, ut par est, re-  
spondeam. Et quandoquidem minimè dubito, quin eadem me,  
meaque omnia benignitate prosequi semper velit, quam mihi &  
verbis & scripto tam eximie testata est; ego cum maximā vene-  
ratione, & vi confidentiæ illius, quam in me reperit & approba-  
vit, intimos mentis meæ sensus aperiam Excā Vestræ.

Rem arduam sanè, ac supra vires meas longè positam, Ex-  
cētia Sua mihi præcipit, dum invitāt, ut à promotione Serenissimi  
Principis de Conti resiliam; ego enim hīc non propriæ volunta-  
tis interpres aut dominus, sed Christianissimi Regis Minister  
quid aliud facere possum, quàm quod jubeor? præterea, cum nihil  
mihi possit esse antiquius, quàm Sermæ Reip: meam infinitam  
propensionem, & studiosissimam promptitudinem ostendere;  
quo pacto liceret mihi hanc unicam occasionem prætermittere?  
in quā servitiū illi certè majus, quam quilibet è proprijs Civi-  
bus præstare possum, promovendo in Regem futurum, talem  
Principem, quem ipsā fatente Excellentia Vestra, fatentibusquē  
omnibus cujuscunque Gentis, aut factionis hominibus, *eximia  
talenta, bellorumquē vocales triumphis* supparem Regiæ faciunt Coronæ:  
Quid enim in hac proxima Electione quærunt Poloni? Nonne  
Regem Maximum, Regem Optimum, Regem bellicosum, sapi-  
entem, magnanimum, liberalem, modestum, affabilem; qui *tot  
eximij talentis* Remp: ad pristinum opulentia, splendoris, & fa-  
mæ statum reducat, *bellorumquē vocalibus triumphis*, (ut proprijs  
Excā Suæ verbis *utā*) hostes Patriæ debellet, æmulos terreat,



& vicinos in æternâ societatis atque amicitia necessitate contineat; qui regat populum suum exemplo potius, quàm authoritate; qui sit in bello primus bellator, in consilio primus consiliarius, ubiquè norma cæterorum; quem nemo Polonus aut oderit, aut contemnat; qui sceptrum sibi nec lege, nec consuetudine, sed amore & æstimatione delatum dignè ferre studeat, & quibus acquisierit virtutibus, iisdem servare necesse habeat; qui, si à rectâ viâ recederet, & liberrimæ Genti vellet aliquam jugi, aut servitutis speciem imponere, non habeat à vicinis Principibus auxilium, nec invenire possit asylum præsens in aulis sibi sanguine conjunctis; qui denique in primo Regiminis sui ingressu, qualem reperit Remp: talem adjuvet, non personâ tantum, sed opibus. Namque duobus eget Resp: Domine Mi Excme; Viro, & subsidio: Viro qualem modo descripsi; subsidio, quod reale sit ac præsens: consideremus itaque Statum Poloniæ, Exercitum confœderatum, stipendia militi ad summam enormem debita, bellum quatuordecim annorum sine fructu gestum, nec finitum, imò tantò periculosius excandescens, quantò majores addit imperio suo vires novus Imperator Turcarum, exhaustas Provincias, Comitia perpetuò rupta, factiones, & divisiones domesticas, tantum ex illa parte grassantes, quæ non publicum, sed privatum commodum quærit, & serias atque urgentes Nobilitatis Vniuersæ querimonias eludit. Ergo nihil ad ista reflectendum? ergo consuetudini serviendum? ergo personarum acceptioni, non utilitati publicæ studendum? absit.

Cur enim sibi Polonia jus eligendi Regis tam strenuè vindicavit? tam fortiter, & intactè servavit? nisi ut eum creare posset, quem rebus suis opportunum atque accomodatum judicaret: si Corona ista foret Hæreditaria, gemerent fortasse populi eam tali jure deberi minùs dignis & utilibus, quam dignioribus, & utilioribus dari posse exoptarent. Ecce res in integro est: potest dari cuilibet, non ergo dignus est reiiciendus, ut adulatoriè præferatur alter; quod quidem bonâ veniâ Candidatorum omnium dixerim, quos fugillare, nec meis moribus convenit, nec Regis mei voluntas est. Illud unicum probare volui Exca Vestra, merita tantum spectanda esse, & commoda Reip: cætera planè sperni oportere.

Quod verò Exca Sua mihi amantissimè scribit: *Nolle se promotionem Regis Chmi in aliquod venire discrimen, ac metum esse Nominis Gallici, per Regnatrices Majestates, ex rationibus Statûs hujusce in animis Civium pridem excitatum, & modò conservatum; unde remotior, Gallus Princeps Candidatus, aliundè meritissimus, à Throno*



*Regni fieret; hoc diligenter, & maturè considerandum venit.*  
Videtur enim metus iste, veris fundamentis carens, inter vulgares errores annumerandus; ille autè de totâ Rep: non benè sentiret, qui putaret eam vacuis hujusmodi phantasmatis, & impressionibus duci, non solidis & evidentibus argumentis, in tam grandi negotio, ubi de spe, & salute Civium agitur: & vereor, nè qui metum illum excitatum supponunt, excitare potius velint aut sopitum, aut nullum. Dicat enim mihi Sua Exca, quæ tam acri, tamquè prudenti pollet judicio, Mulierem fortem quis inveniet? de viro forti nunc agimus; & quæ comparatio potest institui bona, viri cum muliere? si per Reginam Mariam aliquid peccatum est, unde Cives illam regnare nolent, vel per se, vel per Filios; nuncquid Sermus Princeps de Conti filius ejus est? at sunt ex eâdem Gente Gallicâ, nuncquid omnes in Galliâ sunt ejusdem indolis & complexionis? an omnes Poloni similes? Rex Michâél, Rex Ioannes, sub eodem cœlo nati, toto cœlo dispares fuere: cur ergo confundemus eos, Bone Deus! quos natalia, educatio, sexus ipse tantoperè discriminant, & si quæ similitudo timenda, nonnè potius in proprio sanguine, quàm in alieno? velletnè Excia Sua dâtis in publicum motivis uti contra nos, quæ Sermo suo Candidato nocerent magis? & partes illas, quas ipse tam studiosè, tam apertè tuetur, unici huius argumenti retorsione subvertere?

Videamus autem quibus impulsa Consilij Serma Regina, tantam in se, suosque excitaverit invidiam? an Gallicis? an Austriacis? quemnam audivit? aut cui placere voluit? cùm ituros in Hungariam milites dissipavit; cùm Poloniam solemnî Confœderatione voluit alligari Germaniæ sine ullis restrictionibus; cùm Gallicum Legatum de Vitry ejecit; cùm Sermum Principem Iacobum, Sermæ Palatinæ Neoburgensi conjunxit: suntnè isti Gallicæ, an Austriacæ factionis partus? attamen Galla fuit Regina: sed quid amplius in Rem Austriacam Germana facere potuisset?

Nolebamus nos tam arctis, tâquè inextricabilibus vinculis Rēpub: vicinæ, semperque (ut ajunt Illustmi Zamoyscius & Fredro) metuendæ potentiæ, non modo addictam, sed quasi mancipatam fieri: vicit nos Galla Regina, sed quid inde boni acciderit Reip: testes miseri Cives, quorum imminuta substantia, quorum devastati fines, quorum Nomen in aulâ Cæsareâ, etiam post ipsam liberationem Viennæ, ac totius Germaniæ ab imminente servitute redemptionem, tantum vilipenditur, quantum apud nos in honore, & veneratione est.

Sciebamus, nec obliviscimur quid Majores vestri, per quos  
ste-

stetit  
corū  
loniā  
mū  
ritatē  
etū e  
perta  
D  
lus, e  
nim e  
go tin  
re nu  
dus, c  
Sua b  
Galli  
nis, F  
non c  
sed q  
offeru  
enten  
peric  
prim  
& di  
incon  
volun  
Qu  
sapie  
hibit  
bus f  
huic  
valet  
lætab  
quæ  
Itali  
incu  
erit  
nolle  
mag  
cūm  
erat,  
mūs



stetit libertas, de vicinis illis dixerint, & posteris suis tradiderint; eorū vestigijs insitebamus, & nunc insistimus: neque illum in Poloniā regnare cupimus, qui vel sit Austriacus, vel Austriacæ domui tam specialiter addictus, ut illi suā Coronā, dignitatē, auctoritatē omnē referat acceptā; ne tandē de Poloniā fiat, quod factū est de Bohemiā & Hungariā. Sunt autē illa tantæ, tamque cōpertæ veritatis, ut etiā apud Polonos in cōmune adagiū trāsierint;

Dicet Ex. Vestra, sed neq; volet Imperator, ut hīc regnet Gallus, ergo par utrobq; ratio. Nequaquam, imò valdē dispar. Etenim est hoc axioma notum omnibus, Cæsarem esse proximum, ergo timendū, Christianiss. verò remotū, ergo prodesse posse, nocere nunquam; qui timendus & suspectus est ambitionis, non audiendus, qui non timendus, semper consulendus est. Non videbit Ex. Sua bellum inter longinquos, sed inter finitimos; Poloni cum Gallis, Italis, Hispanis, Persis non decertarunt, sed cum Germanis, Hungaris, Svecis, Turcis, Tartaris, & Moschis; amplius dico: non debet Serma Resp: considerare, quid isti vel alteri displiceat, sed quid sibi bonum. Si Germanus talis offeretur, qualem Galli offerunt, iisdem præsentijs auxilijs, belloq; infructuoso subvenientem, non consulite Galliam, accipite illum vobis, dummodò periculosus ille non sit, nec Germanicis viribus uti possit ad opprimendam Patriæ libertatem. Si Gallus omni virtute præditus, & dives, cum summā utilitate vobis proponitur, accipite illum inconsultā Germaniā; non enim illa vult res suas ad vestram voluntatem dirigere, nec vestras ab illā pendere necesse est.

Quid ergo dicet Cæsar? dicet Polonos Hungaris & Bohemis esse sapientiores; dicet eandem à vobis in eligendo Rege vestro adhibitam prudentiam, quam ipse adhibet in seligendis Magistratibus suis; dicet illum in Poloniā factum Regem, qui florentissimæ huic Reip: Provincias avulsas, & antiqua decora unus restituere valet; de quo vos tantò magis lætari debebitis, quantò minùs ipse lætabitur. Sed arma in Poloniā inferet, si Galli Regis fiet Electio? quæ arma? illanè quibus Hungariam, Rhēni littora, stationes in Italiā tueri vix potest, nec verè tuetur, & si per huiusmodi minas incutitur timor Reip: jam ubi est libera Electio? igitur à vicinis erit petendus Rex, non eligendus, & quo fine ducti Germani nollent hic regnare præstantissimū Principē, nonne ut Reip: vires magis ac magis corruāt, & ipsa tandem fiat Aquilæ bicipitis præda:

Non ille metus invaserat Majorum Vestrorum animos, cū Henricum Gallum, Ernesto Austriaco prætulerunt; eadem erat, tunc temporis, vicinitas quæ nunc est, eadem utriusq; Domūs æmulatio, iisdem minis, & futilibus motivis Ernesti defen-



fores utebantur, quibus hodie videmus non dari, sed affectari creditum: quid profuit? eò magis in suo proposito perstitit constans Resp: quò vehementius illam dimovere tentabant, & si per inopinatà Christianiss. Fratris sui mortē, Henricus, culpā quidem fatis magnā sed excusabili tamen in hæreditatē suā bellis Civilibus quassatam, vix non deperditam se nimis properè, tacitèque recepit, certè quanto fuerit amore dignus, vel ipsæ prosequentiū Polonorum lacrymæ testatæ sunt, quos illum non elegisse, sed amisisse pœnituit. Nihil tale à nostro Principe metuendum, qui cū Henrico, nec splendore generis à sæculis octo regnantis, quod unum & idem est, nec virtutum famā cedat, habet hoc singulare, quòd in successionis ordine sit decimus Princeps è Regio sanguine Galliarum.

De Reginā Ludovicā non loquor, fuit enim illa quamvis in Galliā nata, non tamen ex nostrā Gente oriunda, sed ut omnes sciunt, ex Familiā Gonzagā Ducum Mantuanorum, quæ Itala est. Pios ejus cineres ne commoveamus, multa benè gessit, multa fortassè minùs, quidni placebit bona nobis attribuere, cætera sexui. Porro jam monui quæstionem esse de Viro non de Muliere, melior est iniquitas viri, quam mulier benè faciens, inquit S. Scriptura. Et quamvis uxorem habeat Sermus Princeps de Conti ex eodem Regio sanguine, Parentibusquē Sermo Principe Anguianensi, & Sermā Rheni Palatinā Electorali Principissā, natam; nihil tamen de ipsā metuendum, cū illa sit notæ apud omnes mansuetudinis, & ita Marito subdita, ut nullā in Regno partē sit acceptura, præter eā quæ Reginis verè competit, nempe ut cætus aulicos præsentia suā & magnificentia decorari curet. Non enim alio ex fonte derivat illud Muliebre Imperium, quo non Polonia modò, sed multa Regna plerumque jactantur, nisi ex otio Principum. Sit ergo Rex strenuus & sedulus, amans gloriæ suæ, negotijsque attentus, jam Reginæ non imperabunt. Unde accidit ut in ipsā Galliā ubi olim exteræ Reginæ rixas moverant in minorennitate Regum, ipsæ postea nec auditæ fuerint, statim atque Deus concessit nobis Regem verè magnum.

Ultimum est quod diluam scilicet Ex. V. dicit: *Esto sint Rex & Regina omni exceptione Majores, at statim atque Gallus ad solium Polonicum erectus fuerit, quamvis in eum nihil moliretur Cæsar, attamen ille in Cæsare molietur bellum, & Remp: ad pericula nova deducet, ut placeat Regi Christianissimo.* Respondeo I. Non placitum nobis Regem novum Poloniæ, qui Poloniam, seipsum, & gloriam suam, tam apertè contra statûs rationes præcipitaret, præsertim ubi jam pervenimus ad limen universalis pacis in Europâ Christianā concludendæ, quam Deus fortassè dabit ante Electio-

nem.  
per P  
to se  
Tract  
cessor  
in spe  
sunt:

Iterum  
de illo  
qui ha  
vatic  
tur; a  
cæ con  
nobis  
dari,  
luntat  
Sed in  
Reip:  
indub  
mitijs  
si velle  
Exc.  
um ju  
reijcer  
dicitur  
conce  
& in

dio, r  
autem  
petu,  
tot, &  
tione  
quanc  
attam  
tocert  
tentiā  
muner  
ctsi en  
nimit  
nati, j



nem. 2. Si quid contrarium hâc super re timeretur, facillimè per Pacta Conventa novi Regis præcaveri posset, ut ipse juramento se obligaret, non tantùm ad observationem in genere omnium Tractatum, fæderum, & Pactorum antea initorum inter Prædecessores Reges & Remp: ac alios quoslibet Principes, sed etiam in specie illorum, quæ nuper contra Tyrannum Orientis sancita sunt: nonne hoc remedio sanabitur subitò metus?

At, inquit Exc. Vestra, *Pacta Conventa fortè non observabit.* Iterum respondeo, si hoc timetur, de quo Candidato justius, an de illo qui nullas in viciniâ copias aut affinitates habet; an de illo qui habet: an de illo qui viderit Coronam è familiâ minùs observatrice promissorum delapsam, talique semper exemplo terrebitur; an de illo qui hanc nihilominùs à Patre collegerit. Ista directè contra Sermum Suum Candidatum militant, cur obijciuntur nobis? Deinde, Possunt executione debitâ Pacta Conventa defraudari, (si Rex erit ita sui ipsius immemor) in ijs, quæ à solâ eius voluntate pendent, ut sunt largitiones munerum, Officiorum &c. Sed in ijs quæ nunquâ ille facere, nec tentare potest sine consensu Reip: quomodò potest fidem frangere? jam hoc certum est & indubitatum, quòd bella sine unanimi nobilium suffragio in Comitijis congregatorum non possunt declarari: Rex itaque novus si vellet aliqua suscipere, deberet proponere Reip. Dicat, mihi Exc. Vra, quâ fronte proponeret ille palam id, cujus contrarium jurasset, & quid tunc faciliùs quàm propositionem, si fieret, rejicere? Quidquid ergo hîc timetur, chymæra est. Quod verò dicitur illum munera & beneficia Reip: solis Nobilibus debita concessurum exteris, alia chymæra est, hoc enim & lege vetitum, & in praxim redigi nequit à quocunque Regnante.

Opponet profectò mihi, quod à multis partium suarum audio, rationes hæc meas apud sapientiores quidem valituras, non autem apud multitudinem Nobilium, qui cæco, ut illi dicunt, impetu, solisque anticipatis opinionibus ducti, non attendent ad tot, & tantas rationes statûs, & Regem suum sine ullâ consideratione pronuntiabunt, id enim procul dubio intellexit Exc. Vra, quando Principem Nostrum Borbonium, confessa dignissimum, attamen propter hoc de nomine Gallico vulgare phantasma certocertiùs ruiturum declaravit. At verò non sum ego in hâc sententiâ, pluris æstimo Polonos omnes Nobiles, sive qui divitijs & muneribus cumulati Urbem frequentant, sive qui resident domi, etsi enim non sit inter eos fortunæ, at certè nobilitatis & magnanimitatis est æqualitas. Omnes ad libertatem, & consilia Reip: nati, probè norunt, quid expediât, quid non: in ijs spem omnem



nostram collocamus, ijs tantum placere volumus. Alij partem Reip: ad se viis nescio quibus allicere præsumunt, nos totam Rēp: ritē congregatam expectamus, alij Regnum affectant, ut regnent, nos, ut benè sit Regno; alij confæderant exercitum, nos confæderationi illi volumus satisfacere; alij Provinciās à corpore Reip: conantur avellere, ut ab exteris in ambitu suo protegantur, nos amissas recuperare, & fines Reip: promovere.

Cum igitur audient illa centena millia Nobilium in equis, eos priuatis factionibus excludi velle, qui soli possunt utiles esse Reip: pro tali tantoque Candidato qualis est noster, afferri tot milliones florenorum, non in promissis, sed in præsentem numeratāque pecuniā ad satisfactionem exercitui debitam, expugnationem Cameneci proprijs sumptibus ante Coronationem datis obsidibus, & sub nullitate Electionis, restaurationem monetæ, rei frumentariæ commercique Gedanensis, quæ omnia nostris in manibus sunt, nec quivis alius efficere potest: præterea nullam pro futurā Reginā reformationem, ne panis benè merentium aliò distrahatur, & alia benè multa, quæ suo tempore manifestabimus; credat mihi Exc. Vra, tunc melius sibi consulturos Nobiles, quàm ut anicularum fabulis adhæreant, umbram pro corpore arripiant, & ambitum privatorum publicæ utilitati, tamque certis & evidentibus emolumentis anteponan. Persuasio illa non libellis, non laboribus, non vigilijs, non industriā, non eloquentiā, non tericulamentis perficietur, sed re ipsā, & veritate.

Ex ijs omnibus videt Exc. Sua, non adeò me causæ meæ diffidere, quæ totius Reip: est, quàm Exc. Sua existimat, vel ad diffidendum invitat. In cæteris omnibus obedientiam meam probare poterit, in hoc neque Rex meus, neque Serma Respublica sinunt obtemperare me mandatis Exc. Vra, quæ cum sit arbitra sui ipsius, & proprii sensus Domina, potest à proposito suo facilius, quàm ego à meo resilire. Nec tamen hoc exigo, nisi in quantum Reip: commoda videntur exigere. De cætero, maximā cum veneratione maneo.

Illustre Excellentie Vestrae  
Devotissimus Servitor.

MELCHIOR DE POLIGNAC

Christianissimi Regis Leg: Extraordinarius

Imprimatur suaforia hec Scriptio decora & Civilissima Genti Polonæ.

STANISLAUS Episcopus mpr.

Varaviae die 16. Octob. Anno 1696.





n .  
o:  
t;  
e-  
o:  
os  
in  
es  
ri  
ti  
n,  
o-  
o-  
az  
ft:  
oc-  
uo  
ibi  
nt,  
cz  
nt.  
in-  
re  
ez  
ad  
am  
pu-  
fic  
fio  
go,  
ro,  
or.  
rine  
c.  
11



